

欽定戶部漕運全書

三十一年節省米石因次年漕糧蠲免准其於
三十四年分起運幫船內附搭運通

一懷寧等縣乾隆三十一年緩徵漕米統於三
十三年一併徵完例應搭運赴通因安慶前後
二幫額兌米數較多又無順便幫船加裝搭運
應將徵存三十一年米石本年先行搭運一半
其餘一半緩至今冬再行搭運乾隆三
十四年

一泰州添設東臺縣分治應分歸東臺縣徵收
漕米一萬六百七十四石七斗七升七合三勺

又分歸徵收以鳳

鳳米係地丁項下兵孤等米

還漕每年以

下兵孤等米

江寧揚州二府

山陽縣

漕米撥抵各營兵米以江寧揚州二府屬南鳳

米石歸漕起運謂之以鳳還漕

米一千

四百三石七斗七升四勺派揚州原四興化所

通州所幫船內兌運其還漕米石派大河前幫

兌運泰州仍徵正米三萬一千二百八十一石

七斗二升一勺又仍徵以鳳還漕米三千三百

三十八石六斗四合九勺派揚州二幫鹽城泰

州二所并興化所幫船兌運還漕米石派輸兌

淮糧之淮安頭并大河前幫兌運

乾隆三十四年

一乾隆三十四年京口隨旗左右兩營官兵奏

准裁汰應撥兵糧並蘇城煮販共需米三萬九

千八百石八斗之外計原截數內實有餘剩丹

徒丹陽金壇三縣漕玉米三千八百六十三石

七斗九升五合六勺應行復運請於丹徒丹陽

金壇等次幫船內均勻驗派搭運仍於調兌水

次案內造報

乾隆三十五年

一乾隆三十七年安徽省懷寧等州縣所徵節
年緩漕本應安慶等幫搭運因各該幫額運較

多卽有額運較輕之幫而所徵緩漕甚多均不便儘數派搭除酌量派搭外餘剩米石准其下年再行搭運

一江南之泰州東臺二州縣起運漕糧例係揚州三幫五十一船原四幫二十二船大河泗州二衛撥運八船專兌乾隆三十七年該州縣破有偏災船經停減祇有應徵熟田漕米起運船二十三隻所徵節年緩漕米石無船搭運咨准仍在揚州三幫派減船內撥船十二隻原四幫

派減船內撥船七隻派裝起運其應支行月等項均照現運支銷

一乾隆三十八年下江之沐陽縣所徵節年緩漕米石除儘於下江幫船內派足兌運外尚餘米七千二百餘石若再派下江幫船搭運負重難行在於上江安慶新安二衛起運船內順便加裝共揚州府屬泰州東臺二州縣徵完緩漕除儘本次起運船內搭運外餘剩米石該州縣越在襄河別幫不能順便並發又無減船可撥

准其存貯俟下年派搭

一泰州乾隆三十七年緩漕米二萬八千九百五十餘石於本次隣次起運七十船內加裝一萬餘石其餘一萬八千餘石派大河前淮安二停減漕船十四隻裝運米一萬餘石計仍存八千餘石雇船撥出六閘交與隣次揚州二三江淮九等幫船內搭運北上所需雇撥出閘運費於存縣消費內通融給發其派撥減船十四隻行月糧米仍照本幫之例頒給

乾隆三十九年

一原鳳中三洪塘所船隻例係領兌天長縣漕
米歸揚州二幫運官管押乾隆三十九年揚州
二幫額兌揚通二屬漕米全數截留無船起運
將原鳳中三洪塘所起運船隻派令興武九幫
運官代押仍令揚州二幫運官督丁兌運俟興
武九幫船抵高郵移交代押以專責成

一乾隆四十年江寧府屬漕糧因災停緩其熟
田應徵漕米復由江寧等縣緩缺撫米奏明撥
補支放除撥撫米仍餘起運正耗米石應派興

武二幫起運船十隻領遇緣船數甚少未便專員管押請於廬州頭幫順便糧船到省交與幫弁歸併代押以節糜費

乾隆四
十一年

一臨清後幫每船攏搭米石因載重遲滯請於外河前進濟寧前後兩幫漕船分撥帶搭仍餘米石均令臨後幫船搭運

乾隆四
十一年

一杭嘉湖三府屬糧船向係闡定幫次之先後出運今杭嘉湖三府屬兌漕水次與江南接界最近莫如嘉屬計程三十餘里其次湖屬計程

一百五十餘里最遠杭屬計程二百餘里從前
分府輪流前後阻壓漕務請倣照江省鎮江常
州等府由近至遠跟船行走成例一律辦理最
近嘉屬幫船卽得遄行漸遠湖杭二屬船隻亦
得挨次跟船抵通乾隆四十二年

一 海州沐陽二州縣徵存節年緩漕米石除本
次及隣次起運船隻儘派加搭外尚餘存米七
千九百九十餘石又揚州府屬泰州徵存節年
緩漕米石除本次起運船隻儘兌搭運外尚餘

剩米七千三百餘石照例酌派淮安頭幫減船二隻裝運海州緩漕淮安三幫減船七隻大河前幫減船一隻裝運沐陽縣緩漕又派淮安頭幫減船五隻大河前幫減船五隻裝運泰州緩漕其應支行月等項銀米仍照各本幫現運之例一體支給乾隆四十二年

一淮海二府屬山陽阜寧沐陽等縣及揚州府東臺縣徵存緩漕本次起運幫船不敷裝搭而東臺一縣越在裏河別幫不能順便加裝將淮

安二幫減船四隻大河前幫減船二隻撥赴東

臺縣裝運緩漕隨同各本幫管押北上其大河
前幫仍撥減船一隻裝運沐陽縣本次緩漕至

山陽阜寧二縣倉次均在淮安乃各本幫經由

之地派令上江寧太幫船到淮順便加裝緩漕

其動撥減船應支行月錢糧均照現運支給

乾隆

四十
三年

一鳳陽泗州等府州屬緩徵漕糧較多各幫額
船不敷搭運又無附近幫船可以順搭將宿州

等州縣節年緩漕先行搭運其餘各州縣緩漕

飭令貯倉下年再行搭運

乾隆四年
十三年

一揚州府屬泰州徵存緩漕除本次起運船內
儘數搭運仍存米石計需船十六隻卽以本次
派減船內撥出裝運所撥災減船隻應支行月
負重等項錢糧循例悉照本幫現運丁船一體

支給

乾隆四年
十四年

一長淮宿州頭幫船二十隻又帶管鳳中三幫
船六隻領兌宿靈等州縣漕糧因各州縣田畝

俱被災傷奉文蠲緩覈派災減船二十隻起運宿靈二州縣漕糧單船六隻爲數過少未便專員管押以宿州頭幫起運六船歸併宿州二幫運官代押所有宿州頭幫僉丁修造并兌驗糧米各事宜仍令本幫千總辦理

乾隆十四年

一安徽省各該州縣緩漕米石較多各幫新漕因災蠲緩起運船隻過少又無附近幫船順抵加裝將宿州等州縣緩漕先行搭運其餘緩漕米石飭令等倉下年再行搭解

乾隆十四年

一 海州

運河

運河

運河

運河

運河

本次起運船隻儘數搭運尚有存剩米石本年

附近幫船俱有應搭本次緩漕不能加派船例

以減歛船隻撥出泗州後幫本次減船六隻

運交清楚仍歸本幫運并管押北上所撥減船

應支行月負重等項錢糧悉照不幫現運丁船

一體支給

乾隆四

十五年

一 太平廬州等府州屬緩徵漕糧較多各幫額
船不敷搭運又無附近幫船順抵加裝將當逾

蕪湖等州縣節年緩漕先行搭運其餘各縣緩

漕米石飭令貯倉下年再行搭運

乾隆四十五年

一鳳陽潁州泗州三府屬並六安霍山二州縣應徵漕米內除派截畱外其派剩六安州米并

不在截畱英山縣漕米以及六安霍山二州縣

帶徵四十三年分緩漕共計米二千八百十四

石一斗三升七合派廬州四幫船四隻領兌該

船原係宿州二幫運官帶押今宿州二幫漕船

已經全減祇廬州四幫船四隻起運未便專員

管押卽交安慶前幫管押抵通交納

乾隆四十五年

一淮揚等府州屬漕糧輪蠲除應減船隻外尚

有應兌海通二屬漕糧淮安頭幫祇有起運船

十隻大河前幫祇有起運船十隻淮安三幫祇

有起運船八隻又揚州二幫祇有起運船五隻

並該幫帶押鳳中三洪塘所起運船四隻揚州

三幫原四幫祇有起運船八隻爲數甚少不便

每幫專委一員管押查淮安頭三大河前三幫

起運漕船併爲一幫揚州二并揚州三原四兩

幫起運漕船併爲一幫各專委一員管押將大
河前幫起運船十隻淮安三幫起運船八隻歸
於淮安頭幫運并代押抵通揚州三四幫起運
船八隻歸於揚州二幫運并代押乾隆四
十六年

一興武六幫除兌運蘇屬船隻輪減外祇有兌
運松屬漕糧船十二隻廬州二幫兌運太倉州
屬漕糧船九隻滁蘇幫本年亦祇兌運松屬船
十三隻均屬零星不成幫次應將廬州二幫船
九隻滁蘇幫船十三隻歸於興武六幫運官帶

運抵通乾隆四
十六年

一淮安二幫漕船除派減外仍起運船五隻大河前幫漕船除派減外計該起運船三隻該兩幫起運船隻爲數甚少不便每幫專委一員管押俱歸揚州二幫運弁代押可節省運隨俸廩

養廉乾隆四
十七年

一豫省漕糧向係直隸江南山東三省德州等十幫船隻協通乾隆四十六年起運密雲兵米令臨清前等七幫雇船二十隻運送以後每年

應運密雲兵米祇令德州等七幫雇募未免偏
枯應以德州等十幫均派雇募

一泗州前幫除減船外計該起運船三隻大河
前幫除減船外計該起運船二隻該兩幫起運
船隻爲數甚少不便每幫專委一員管押查泗
州前幫大河前幫起運船隻係兌揚屬漕糧均
歸揚州二幫運弁代押運弁俸廉可以節省

乾隆

八年
四十

一湖北廣濟等十二州縣應解荊州南米派給

湖南幫船兌交起運其附近荊州之巴陵等州
縣漕米運交荆倉劃作南米以舒輓運近因湖
南漕船截留湖北本地所產土物不得裝載丁
力疲乏奏將廣濟等州縣應解荊州兵糧仍照
舊規自行解荆巴陵等州縣漕米仍在本省水
次兌運

乾隆四十九年

一江西省漕船六百三十八隻每船計裝正耗
米一千二百餘石較江浙等省漕船裝米木多
船身喫水已重今計搭運米十八萬餘石每船

須添裝米二百八十餘石儀徵以上運河之內

勢必行走稍遲應將應運米十八萬餘石分作

二年本年兌交各幫米九萬石赴通交納其餘

一半下年帶交

乾隆五年

一揚州頭幫旗丁王西堂漕船八運朽腐不堪
加修兼受兌期迫應運米石分灑通幫帶運交

納乾隆五年

一乾隆五十年常鎮二屬應徵漕糧分別蠲緩

鳳中常州幫起運船九隻鎮江前幫起運船五

隻與武頭幫起運船四隻淮安頭幫起運船五隻大河二幫起運船七隻長淮四幫起運船五隻船均無多不成幫次應歸併鳳中常州運官代押毋庸專員管押

一乾隆五十一年河南省帶運緩徵漕米十萬餘石爲數過多咨准於各幫額運船加裝之外添雇船隻裝運

一廬州頭幫本年起運船八隻若專員管押未免糜費應歸併與武九幫帶押其在次僉丁免

糧各事宜責成本幫千總查辦仍令兌竣押送

江口草鞋夾地方交興武九幫運官接押以專

責成

乾隆五年

一山東省每年出運船六百餘隻每船計裝五百餘石乾隆五十二年應運上年截畱糴借并緩漕等米十四萬五千餘石爲數較多實難派搭客明雇船運通交納以免負重

一浙江凍阻回空船九幫不能歸次應運新漕

欽奉

諭旨撥運閩省平糶漕糧各幫毋庸起運惟有湖州白

糧幫應運白糧一項未便一併撥交閩省仍應

運京交倉卽交在次新造之湖白幫船並杭州

頭二海寧所等幫新造之船共十七隻代爲裝

運仍令湖白幫千總督押以專責成

乾隆五
十三年

一江西回空糧船在閩河凍阻交兌新漕不便

遲誤令在次新造賠造之船先行受兌一面雇

募民船伺候俟新造等船趕到隨兌隨開未刊

卽用民船裝運迎運回空之船交給過載督飭

長行俾得依限過淮

乾隆五
十三年

一宿州頭幫本年起運船八隻查有隣近宿州

二幫向同該幫在盱眙水次雇船撥運過湖今

起運八船應歸併宿州二幫帶押其水次僉丁

修造驗兌各事宜仍責成本幫千總查辦

乾隆五
十

三
年

一和州並無額設幫船乾隆五十三年災緩南

屯并熟田撫米應歸還原撥上元縣緩漕米石

卽令運至上元貯倉派幫搭運其災蠲屯米於

動撥宿松縣米內扣存以抵原撥寶應縣緩漕
米石亦由宿邑隨漕派幫搭運

一豫省安陽臨漳二縣漕糧緩徵將臨清後等
幫額運軍船酌減五隻卽作爲各該幫裝運密
雲兵米之船毋庸另雇仍照兵米船隻之例支
給銀米乾隆十五年

一宿州二幫加裝六安州屬改漕米石因該幫
並無額運該州屬船糧恐各該船不能俱赴受
兌應酌派二船裝運其原兌六安州屬漕糧之

廬州四幫六船加裝改漕米石照舊派兌均歸

廬州管糧通判監兌

乾隆五十六年

一山東臨清等幫軍船向係協運河南漕糧乾

隆五十九年豫省麥豆緩徵各幫船停泊衛河

無庸輓運而山東新漕有須赴天津雇用官撥

裝運者奏明將此項減運豫糧軍船就近受雇

算運其往來直省費用及應發苦益銀兩均可

節省天津拆造官撥船又可及早興工預備東

省新運起撥

一山東協運豫糧幫船內有例應各丁自雇北河撥船赴河南裝運者東省新漕蠲免卽有軍船閒泊水次與其遠赴天津雇撥莫若就近雇用閒空軍船足數裝載軍船旣受雇值即可照例不給苦益錢糧以歸撙節

乾隆六年

一抽選運白船隻原應三年一調蘇松常三府白糧幫船於嘉慶元年抽調之後俱各輪減一次祇歷兩運船身一律堅固堪以補足三運准其俟足運後再行抽調

嘉慶四年

一山東省嘉慶八年漕糧蠲緩截留濟寧後漕
州二幫各祇出運船十二隻若令各成一幫諸
多未便而重空于總按應運糧數支取見石養
廉亦不敷用將濟寧後幫船隻歸併濟寧前幫
千總兼押濮州幫船隻歸併東平幫千總兼押
又閘內應運保雄等處兵米船二十八隻派撥
東昌幫閘內減船專裝又東平幫應兌冠縣豆
船一隻因閘內船糧停減隨同本幫外河船隻
抵通

一嘉慶八年給事中蕭芝奏請於南方產米之鄉官爲採買由海道北運欽奉

上諭著該督撫體察情形據實具奏不必豫存成見等

因欽此九年正月浙江巡撫阮元奏稱海運自

元代至元二十年以後經過四十七年逐漸造

船設官皆由江南之太倉上海出口運至天津

其中如數運到毫無漂失兩年中途漂失每石攤

缺數合至九升不等元明間人又有開膠萊新

河之舉謂由山東膠州開河北達直沽可避登萊外洋之險然此地

臣

任山東學政時屢經過

往周覽山高石多並無來源大水堪資蓄洩故

從前節次籌辦勞費無成終不改登萊外洋之

故道則是海運一事原非必不可行但非久習

其途不能見效今不由海運已數百年現無北

運章程堪以循照若猝然動支

國帑採購多糧輕試於秦不相習之風濤以冀幸
無誤事似非慎重之道萬全之策卽或萬不得

已而行之亦可量分額漕改爲海運卽以丁運
之費作爲海運之費未便於額漕之外另籌採
買致多糜費等因奉

上諭上年豫省衡家樓漫溢之後黃水下游由出東張
秋穿運經行於運道不無妨礙自應就現在應行事
宜亟爲籌畫經朕特派那彥寶前赴豫省會同嵇承
志等上緊堵築並派費淳前往山東會同鐵保設法
辦理運道挑挖淤淺疏導泉源並於各決口溜急之
處詳細籌備現在豫省堵築工程已得十之七八餘

亦均辦有端緒誠以重運北來至關緊要是以前此
不憚煩勞妥爲經理而外間議論紛然卽有以山東
運道難通宜改爲海運者給事中蕭芝竟以此入奏
朕原知其窒礙難行若不交議則無識之徒或疑朕
不能虛衷採納是以將原摺發交江浙各督撫妥議
奏聞並諭令勿存成見前據陳大文汪志伊奏事屬
掣肘不能辦理而本日阮元摺內亦稱海道險遠不
敢輕試且現無舊辦章程堪以循照等語該督撫等
久任封圻諳習政務前後所奏不謀而同是其事之

必不可行皎然共見並非朕自矜獨斷也所有蕭芝
原奏著無庸議欽此

一湖南巴陵等縣嘉慶十二年漕糧緩徵漕船
酌減荆右衛疲船較多岳州衛疲船較少通融
在於岳州衛應減船內派出二隻兌運荆右衛
漕糧

一江南蘇州松江常州三府白糧例由漕糧幫
內按船抽選三年一次更調兌運多有一幫數
船散兌數縣者嘉慶十二年議令如一縣不足

派兌一幫或一幫不足一縣卽於鄰近縣幫內酌撥兌運毋致零星散漫以昭慎重

一東省買補截漕等項向係沿河州縣雇兌民船裝運嘉慶十三年應運買補截漕並兵糧米石需雇船隻因民船多係裝載糧食販運未便截留封雇致擾商民奏明選撥東省額設官撥船隻派赴各水次受兌開行

一廬州衛頭幫兌運無爲合肥舒城廬江巢縣五州縣漕糧向係通幫二十五船週歷五州縣

分灑裝運本年巢縣被旱起運米數無多經安

徽巡撫咨准酌派一船專兌

嘉慶十七年

一湖北額設漕船一百八十隻向分頭二三幫每幫配船六十隻內三幫係襄陽衛船二二十四隻德安所船二十六隻又於頭幫之武昌衛額設漕船內每年輪撥船十隻並入三幫以符每幫六十隻之數經漕督咨准武昌衛輪派十船撥入三幫行走不便仍歸頭幫管押其應給廉食米石按照頭幫七十船三幫五十船覈算支

給嘉慶二十二年

一江南東臺縣額徵漕米一萬五千三百九十五石零內揚州三之原四興通兩所船二十二隻兌米一萬二千四十一石零船米相等照舊派撥外惟鹽城泰州兩所向派船二十二隻兌運米三千三百五十三石零米少船多又泰州年額漕米二萬九千五百六十三石零泰州所額設三十四船內二十九船兌該州米一萬七千六百九十四石零又兌東臺縣漕米船五隻

找兌該州米九百五十五石零鹽城所額設一
十七船兌該縣米八千五十八石零興化所漕
船一隻找兌該州米四十石零又輪兌之淮安
泗州等幫漕船五隻兌米二千八百一十五石
零經漕督咨准鹽城泰州兩所二十二船兌運
東臺縣漕米三千三百五十三石零派鹽城所
六船領兌其原兌泰州所五船卽專兌泰州漕
糧又以鳳還漕米一千七百餘石卽在兌運東
臺縣漕糧之興化所十一船通州所十一船鹽

城所六船共二十八船內勻裝搭運

嘉慶二十三年

一浙江省道光三年災緩漕白糧及蠲緩南糧
截留漕米派減船隻因處後杭頭兩幫減船過
多每幫僅出運船七隻勢難起運各准將處後

幫漕糧派處前幫代裝起運杭頭幫漕糧派杭

四幫代裝起運

一蘇松常鎮太五府州屬漕糧各幫船隻每屆
三年調次經江督等奏准蘇松常鎮太五府州
共船四十三幫內除白糧三幫江淮三六兩幫

鎮江前後兩幫共七幫毋須更改外其餘三十
六幫內應兌蘇太兩府州屬二十一幫松江府
屬八幫常州府屬七幫秉公畿掣將蘇太各屬找
州掣定十六整幫其餘五幫分撥蘇太各屬找
補松江府掣定七整幫其餘一幫分撥松屬找
補常州府屬掣定七整幫將鎮江前後多餘船
隻分撥找補自道光三年掣定水次後每屆三
年毋庸再掣卽將上次各幫挨次輪流受兌指
明何年何幫應兌何縣漕糧遞轉一週造冊咨

部存案一面通飭縣等處遵照所有上屆找補各縣之散幫下屆卽作爲正幫儘先受兌上屆在後之整幫下屆卽作爲散幫分幫找補道光三年

一江西幫船水次向係三年一調經漕督等奏

准除饒州撫州兩幫便兌饒州府等屬漕糧並都昌縣米石每年輪派截留滄州之尾幫受兌應循舊章外其餘十一幫援照蘇松各幫新例按江西幫名次序分作十一畿傳齊幫弁旗丁

眼同寧定縣倉自道光三年冬運起按三年一

屆不必再掣由後推前挨次輪轉如船多米少
則以後倉米數撥補米多船少則以後幫船數
找兌各州縣間有災緩應減船隻分別派船減
歇帶徵緩漕年分准附本倉正額於通幫一律
加裝道光
三年

一蘇松等屬漕糧船隻調次清冊向係二年一
送現既掣定水次若不按照三年一屆將輸兌
散整並減歇出運各幫細數造冊造冊恐年遠
更難查覈議令自道光三年蘇太等府州第一

屆起將各幫調兌船數內何州縣兌運若干加一裁船若干輪減免雇若干逐一聲註造冊咨部以便與章程原冊比較覈對並令嗣後按屆詳晰聲敘其輪減免雇船隻係按年由幫查報均令按定章程照例妥辦

道光四年

一山東省應運密雲等處兵米共船三十二隻向係雇用民船裝運如遇災減年分卽用減船抵裝又東省帶運糧石應於起運漕船內分灑加裝搭運道光六年臨東後等幫災減船二十

六隻除抵裝密雲等處兵米並帶徵漕糧共船
二十三隻尚減船三隻並未一體抵裝撥運兵
米因災緩減船定案時已在別幫兵米雇船裝
運之後以致未能全用減船抵裝議令嗣後如
遇災緩務將應減船隻若干於各幫未雇兵米
船隻之前先期覈定分別抵裝毋任延誤致滋
糜費

道光七年

一 江南省大長縣漕糧從前係屬中三幫洪塘
所船四隻領兌每年歸併揚州二幫千總帶押

北上嗣洪塘所船停造天長縣漕糧俱係揚州
二幫起運船內分灘帶運本年揚州二幫全船
減歇天長縣額漕除緩徵外實起運米一千五
百餘石於揚州二幫減船內撥出船三隻專兌
責成兌運江寧府屬漕糧之興武二幫由揚州
高寶一帶經過歸併代押令照洪所額支行月
給領造入奏銷報部查覈道光七年

一道光七年漕運總督咨蘇松常三府共二十一
八廩州縣每縣額兌白糧船自一隻至七八隻

不等其應選白者共三十二幫每幫額選船自
三三隻及四五六隻不等是以縣幫船數各有
多寡參差而上居兌運州縣水次今屆必須照
例更調別縣本年調次案內除儀徵等二十六
幫白糧船均係整幫整縣調兌其餘江淮二等
六幫額運白糧船多寡不同一幫不能適合一
縣之數卽不能不按各縣額運船數勻撥奏補
足額經部議准

一兌運白糧船隻例係三年一調蘇松常三府

白糧幫船自道光四年抽調之後除道光四年
兌運一次又兌運六年分一次其五年分白糧
係由海運名丁船隻祇兌運白糧二次道光七
年漕運總督飭取該船堅固印結咨准補運七
年分白糧一次以符定例

一 江西省漕糧前於道光三年掣定縣幫三年
輪兌一次其都昌縣米石每年輪派截留滄州
之岸幫受兌卽以尾幫原拈別縣之米抵換道
光五年都昌縣米石輪派尾幫受兌是年尾幫

輪值九後據漕督咨請將都昌並該幫原寧縣分儘數撥兌外米石尚有不敷將廣信幫原拈高安縣暨九前幫原拈上饒縣有餘米石找足其南前吉安二幫原拈各縣米石均係船多米少是以將饒州幫原拈萬安縣餘賸米石撥補南前將安福九前贛州原拈吉水等縣有餘米石湊補吉安與道光三年原寧縣倉稍有參差嗣經部議都昌縣漕糧輪派尾前受兌是年尾幫輪值九後應將該幫原拈之縣米石照都昌

縣米數撥調原拈都昌縣之幫受兌何至各幫
仍復調撥不一議令查照掣定縣幫派兌毋得

任意調撥

道光八年

欽定戶部漕運全書卷十二 目錄

兌運事例

交兌軍糧

兌開限期

搭運收還

交兌軍糧

一官丁兌米入船卽將所載米數懸於艙口聽糧道不時查驗以杜盜賣

順治七年

一軍船到兌糧水次嚴剋限期不許久戀隨到

隨兌隨兌隨開不必守候全幫藉端遲延

順治九年

一徵收漕米定限十月開倉十二月兌完知州

縣衙所等官船到無米有米無船過十二月者

罰俸半年過正月者罰俸一年過二月者降三

級留任

順治十
二年

一旗丁兌糧交兌明白出有完糧通關過淮虧少責在旗丁不得仍扳糧戶違者嚴究治罪

順治

年十二

一江西漕米向點經催爲糧官解米運省候兌旗軍順治十六年禁革如有不遵該撫指名參處

一各州縣漕糧總督頒發全單糧道頒發號單開明船米數目刊定贈耗若干分發各州縣每兌完一單令衛官填註收數一船兌足卽出給

水程單勒令開幫順治七年

一旗丁應兌糧米不許灑派各船果有事故應灑兌者責令運官總領分散帶運順治十七年

一兌漕首重米色其有倉蠹作奸攬和滋弊責成監兌官覈驗究處如米色果係乾潔升丁故意勒索卽行題參重處順治十七年

一收兌漕糧道先將各衛丁船派定前後歸兌之時州縣懸牌挨次輸兌不得凌越順治十八年

一各省漕糧總漕置立全單每幫分給一紙運

官有司各照款項依式填註如違誤不填及填註不實者在南聽總漕在北聽倉場察覈叅處
康熙
二年

一湖廣省停運多年缺船缺丁康熙七年始行
起運除折色并荒米湖北實徵正耗米一十二
萬七千九十八石湖南實徵正耗米十萬三千
九百石零合正四耗米及里民盤腳米石向俱
八正數內支作兵糈今旣起運則正耗米石應
照全書正兌正米若干耗米若干分別兌運其

盤腳米石原係里民額外裝運到次盤腳耗米不在正四耗內自應退出不便混入

一監兌漕糧未經兌完捏報兌完或漕船未經開行捏報開行者降二級調用督撫不行題參察出將督撫糧道監兌文武各官一併從重議處

康熙五十年

一監兌官務令坐守水次將米逐船兌足同糧道親身督押到淮盤驗如有短少審明叅處仍畱旗丁兄弟子姪一人交與監兌官購補足數

雇船趕幫取具押運等官甘結呈報總漕查覈

康熙五
十二年

一各州縣交兌漕米舊例取米四升裝成二袋用印封固解送倉場驗收康熙五十四年題准水次兌糧每船裝米一石糧道親驗鈐印加封到淮之日總漕拆封對驗加封抵通倉場帶領坐糧廳驗明起卸其樣米仍作正收受康熙五
十四年一江西有漕州縣惟南昌新建附省餘皆僻處山陬向例民貼腳耗於官雇船運至省倉交兌

康熙二十九年部議以各省並無支給腳耗之
例駁令查追三十三年奉

旨聽民貼運免其追賠三十八年以後部議腳耗與扒
夫等項分晰未清復令扣追雍正元年奉

旨腳耗乃貼運之總名扒夫等項乃支給之細數其實
一事非兩項也自康熙三十八年至今應追銀米盡
免追賠向後准其支給欽此

一漕糧開兌開幫之日總漕務將各糧道所屬
船糧數目運丁細數文冊豫行送部違者查叅

雍正

元年

一漕糧交兌之時監兌官驗明實米足額眼同
州縣官交兌軍船如有專覓巧手做舟飛笆走
柵等弊卽行嚴拏治罪如旗丁不肯受兌額外
勒指亦將旗丁嚴拏治罪監兌領運等官不行

約束總漕題叅交部議處

雍正二年

一漕糧過淮總漕按數查驗如正數有虧借水
手所買包米及借別船米石湊抵補數者總漕
卽驗明印記作爲正米運遞不得復歸水手別

船仍將領押運官題叅旗丁治罪

雍正二年

一各省漕贈行月本色米麥及副耗等米照數
裝載入船開行之日糧道查驗出結報部至糧
艘到淮總漕細加盤驗覈其經行之遠近缺少
之多寡如有缺額分別叅究

雍正五年

一交兌漕米例應乾圓潔淨如有攬雜潮濕其
在未受兌以前責在州縣既受兌以後責在弁
丁不得諉卸以專責成

雍正十年

一交兌漕糧責令監兌官秉公查驗米色如並

無潮濕攬和兌完卽照例出具通關米結不得
勒指推諉其有縣衙以米色爭持者將現兌米
樣眼同封固馳送總漕巡撫察驗并申送委查
道員親往驗看果係潮濕攬雜督令賠換篩嚴
仍將所兌米樣封送總漕俟過淮時盤查比對
分別究參

雍正十年

一各幫緩交餘米出運之船自應照數交納如
遇有派減各船緩俟下運再行帶交

乾隆二十八年

一漕糧到淮米色原兌平常將徵兌州縣無論

已未出過通關米結嚴叅議處著賠補運並照
例將該管道府及監兌押領各員弁一併叅處
再照數共賠一分入官充公至於原兌米色本
好中途舞弊攏和不能勤加風晾與過淮後仍
有徽暗米色交倉均照定例辦理

乾隆四年十一月

一名省漕糧州縣官於收米時務將潔淨之米
入倉隨時曬晾遇雨水失調之年竭力風篩曬
晾乾潔至兌運上船以後涉厯長途司漕各官
責丁隨時風晾以免潮濕

乾隆五年十二月

一各省帶徵糧石向俱列入全單粘籤註明以便抵通交兌因豫省帶徵糧石較多雇船裝運未便一體列入全單致滋牽混自乾隆五十三年爲始將豫省搭運米石由糧道給發執照赴壩交納以示區別

乾隆五十四年

一河南省乾隆五十九年漕項奏銷案內支剩行糧潤耗等米奏運天津等處兵米之用在於下年截存虧糧米內撥還清款搭運赴通交納

三年

嘉慶

一山東省額徵行糧米石除支用外如有餘賸卽令各處於本年冬運漕船內就近搭運赴通交納毋得轉解道倉再行派搭致糜運廩折耗

嘉慶四年

一豫省額徵白麥一萬石儘歸一幫裝運在於平山前後臨清河南前後徐州前後等六幫車船內選擇幹練弁丁堅固船隻挨次遞年輪流裝運如派某幫裝運白麥該幫餘船俱派裝運米豆不令再裝改麥以杜混淆

嘉慶四年

各省幫船全單向由總漕衙門將起運船糧
數目覈明填註發交糧道從運弁起至監兌等
員逐一鉛蓋印信幫船過滑鐵盤另覈驗復發
幫收執到通由運弁呈報坐糧廳倉場戶部戶
科查驗均不免守候需時嘉慶五年漕運總督
鐵保奏准嗣後全單飭發糧道後卽由道遞行
押運領運廳弁等蓋印仍歸糧道繳還總漕備
文徑亥坐糧廳俟幫船抵通交糧後卽呈送倉
場侍郎由倉場侍郎咨送戶科戶部照例覈驗

轉各總漕衙門備案

一各省收兌漕糧經徵監兌各官務使米色一律純潔不得稍有攬雜各幫受兌以後不時開船風晾毋致霉變虧短倘有前項情事分別參辦取具經徵監兌各官印結應將米麥豆數分晰載明隨同開幫冊送部并取具弁丁隨時風晾結領一併送部查覈嘉慶六年

一良鄉等處駐防官員應需俸米七百餘石於嘉慶八年議令在於東豫二省薦糧米內各半

分運因豫省八年薊糧被災緩徵令山東省代爲起運於下屆代運還款入九兩年准其暫行添雇船一隻專裝米五百八十石派令額船較少之幫裝運下剩米一百五十餘石在於撥運良鄉等處兵米船隻分灑帶運至嘉慶十年該二省各應分運一半俸米三百六十六石若仍添雇船一隻專裝運送未免糜費令原派雇良鄉等處兵米船十二隻按應交處所均勻攤裝票例支給澗耗津貼等項銀米

一江西省各幫搭運米石先儘漕船搭派餘賸
之米旗丁自雇小船裝運並未開銷公項應聽
自行辦理

嘉慶十年

一湖北兌漕水次不一經湖北巡撫奏准省城
水次應兌米石各幫兌齊開行至湖北江西交
界之田家鎮地方另委大員按船盤驗如果米
色純潔卽令遴委之大員會同糧道出具印結
呈齊備案儻過淮時總漕查出霉變情弊卽將

該委員一併奏參分賄

嘉慶十七年

一安徽省英山縣漕糧向在六安州單家埠地方採買兌運嘉慶二十年六安被災無米可買咨准在於沿江出米地方買交安慶幫船受兌其應給旗丁贍五銀米及加一耗米等項概照英山縣向給宿州二幫之數兌給所有一切通關文結及樣米布袋卽用安慶府通判銜名印信以專責成

一收兌漕米總以通關米結爲重向例未兌以前責在州縣旣兌以後責在升丁嘉慶二十四

年奏准江蘇安徽浙江三省距淮較近幫船皆
係跟接兌開行走嗣後過淮盤驗如通幫米色
俱好止有一二船不能純淨卽責令旗丁將食
米易換仍治弁丁以應得之罪與原兌州縣無
涉如查驗各船之米均多灰暗潮溼若非旗丁
途次攏和必係原徵之米本係不純弁丁扶同
濫允應將州縣弁丁分別叅辦著賠惟過淮盤
驗在後通關米結在先應仍責成弁丁認真受
兌不得尙有州縣分賠濫行出結如有需索貼

費含混出結及疎於曉瞭等事卽將監兌領運出結各官弁嚴行叅辦

一各省漕糧原應徵收本色不准改折山東省開內州縣冬兌冬開或糧多收未足數或車少趕運不及咨准在於各水次就近買米墊兌仍飭趕緊徵完不得延至交代時將漕尾作抵尤不得藉墊兌爲名概行折徵如查有勒令全折之弊卽由該撫奏叅辦
道光七年

一江蘇省各幫起運漕糧向係通幫分灑均裝

道光入年咨准自本年爲始所有各縣額兌之糧卽歸各次額運之船裝運嚴禁幫弁混行灑派並將均裝灑派名目永遠革除遇有推造免雇船隻除本次額船裝運外所餘米石於同幫鄰近水次騰出數船帶裝不得隔次派兌及通幫零星灑帶派撥兌竣仍於開幫冊內一併登造

兌開限期

一漕糧兌運事竣定例將兌完過淮日期并船糧細數奏報巡撫不得過二月總漕不得過三月河道不得過四月康熙二十八年題准各省漕船開行之後該撫卽行題報如遲二三月始行具題者查叅議處

一湖南州縣漕糧運赴岳州水次向未立有限期雍正二年題定於十一月內運貯岳倉如遲至十二月中旬到者照過十二月兌開例議處

過十二月者照過二月兌開例議處如州縣糧米依期到次軍衛船隻已備監兌領運廳弁交兌稽遲致過十二月者亦照過二月兌開例議處俟依限過淮題明准其開復

一漕船定例冬兌冬開山東省臨清閘內船隻雍正十二年題准於次年二月兌開仍依定限抵通

一軍船受兌已報開行立卽督令前進如有報早開遲還水次者一經查出將運丁捆打糧

道押運等官分別議處

乾隆二十三年

一山東省臨清閘外船隻向例冬兌冬開乾隆三十年奏准改爲春兌春開仍依定限抵通

一江西軍船一十三幫共六百三十八隻每年雖係歲內兌開而鄱湖間阻不能迅卽過湖欵

奉

諭旨許令正月內掃幫前進嗣後飭令於向來限單內詳細填註以備稽覈儻並無風阻而託故逗留者卽將玩丁懲究領押廳員一併查叅并經過

沿河各州縣移明各督撫一體遵辦嗣後遞年
照此趕辦務於歲內兌竣正月內掃幫前進

乾隆

四十一年

一乾隆四十一年欽奉

諭旨各省漕糧冬兌冬開自屬正辦迨後開兌遲延實
係厯年因循所致雖催儻尙無貽誤究不若照例於
冬月開幫之爲暇豫目下正屆收兌漕糧之期若能
於今歲冬間辦定章程嗣後卽無難遞年遵辦著傳
諭有漕之督撫實力妥辦其江蘇安徽浙江各省糧

船務令歲內全數開行江西湖廣各幫亦須將回空之船迎催歸次必於正月內掃幫前進毋致遲逾欽此

一乾隆四十七年以後南糧首進幫船每遲至六七月間抵通其在後幫次或在楊村等處起搬或在北倉起卸其故由於州縣兌米延緩押領員弁勒索等弊俱所不免而開幫日期僅由縣府司道具報巡撫彙題並不隨時具奏殊非慎重之道嗣後應將各幫何日開行及掃幫前

進之處查明專摺具奏如有遲延捏報立卽指

叅_{乾隆五}

十一年

一 湖北省起運漕船因各州縣運米稽遲繼以
李天培灑帶柂木遲至次年四月內始得開行
將咸寧縣知縣張廷春等照任意耽延例降一

級調用

乾隆五

一 豫省各州縣漕糧向於九月內齊集衛輝水
次今改兌楚旺水次程途較近開兌日期應另
行酌定通州等十幫糧船限九月二十日以前

齊集水次各州縣漕糧限九月二十五日以前

運齊以符冬兌冬開舊制接期抵通

乾隆五十四年

一嘉慶五年欽奉

上諭山東糧船向係冬開上年經陳大文奏改春兌原爲免幫船守凍起見但本年冰泮之後甫行受兌以致開幫遲滯轉將豫省船隻通融先行本年幸係閏月得以無誤明年又係全漕年分若照此辦理勢必有逾到逼定限殊非妥協所有山東省糧船嗣後著改爲冬兌春開欽此

一江蘇省嘉慶六七兩年分起運漕白船糧開
幫運延應將領運船隻開兌過十二月之千總
罰俸六個月過正月開兌之千總罰俸一年過
二月開兌之千總降二級留任嘉慶九年

一浙江省漕糧例係冬兌冬開嘉慶九年及十一

十二等年因沿途阻滯歸次較遲奏明展報春

開

一安徽池州寧太安慶等幫在次開行遲延部
議將千總押運等官降級革職戴罪督押抵通

完糧後題准開復

嘉慶十
二年

一嘉慶十五年奉

上諭給事中吳邦慶奏請復東省漕船春兌春閘舊制一摺東省距通較近向來漕船春兌春閘抵擋並不遲誤自改爲冬兌冬閘之後每年仍須在閘河守凍而米豆存船日久轉不無霉變之虞又運河挑工因軍船在彼停泊不能償辦多致遲誤此外弊端尙多自應仍復舊制著照該給事中所請自本年爲始將東省閘河內外幫船照春兌春閘之例辦理但該管

官務當督飭旗丁等兌送早開沿途迅速儕行無誤抵通定限又據奏山東有濬州縣其閘河以外係於九月開徵閘河以內係於八月開徵正在秋稼登場閘閻交納不無拮据等語現在幫船改爲春兌春開則州縣徵收時日亦可從容著自今年爲始仍照舊例統於十月初旬開徵以省民力欽此

一嘉慶十六年山東巡撫同興奏東省漕船共十五幫閘外十幫無閘阻隔亦無挑工交春冰泮重運即可開行其閘內五幫因閘河每冬必

須挑濬有礙停泊乾隆五十四年經前撫

臣

麟奏定於各州縣徵收漕糧時隨徵隨兌隨令

開行出閘以便閘洞淤塉與挑而幫船出閘守

凍一俟春融即可跟接閘外各幫連檣而上歷

年遵照嗣於嘉慶四年撫

臣

陳大文奏改春兌

春開行之一年旋經撫

臣

惠齡奏改冬兌冬開

仍復舊制上年巡漕給事中

臣

吳邦慶復又奏

改春兌春開卽經飭屬遵照辦理惟閘內幫船

既改春兌必俟挑工完竣汶河起塉鋪水後方

能運米交兌陸續開行正值南漕次第入閘一
經擁擠便多阻礙查東省秋成較早霜降後秋
稼全登凡閘河以內州縣若定於九月開徵閘
河以外定於十月開徵則花戶從容完納各幫
受兌後輓運出閘分排停泊再於船內厚鋪席
片多備氣筒自無潮溼之慮且閘內幫船受兌
後依期出閘不致佔礙河道卽於閘河挑濬事
宜亦多便利應請仍照歷年舊制閘外十幫冬
兌春開閘內五幫冬兌冬開等因奉

硃批自應照舊章爲是依議欽此

一嘉慶十八年山東省間有被旱處所徵收漕糧未能依限兌運奏准

諭旨暫改春兌春開統限於二月內一律兌竣開行

一嘉慶二十年曹州府屬居民被疫收割較晚難期依限收兌經山東巡撫奏准暫改春兌春

開

一蘇松等屬嘉慶二十五年以前歷年兌開遲延之武職各官除運弁八十九員事在

恩詔以前准其寃免其干總胡泉等均於

恩詔以前另案革職雖經捐復原官應以引

見奉

旨之日爲始覈計係在

恩詔以後仍應於補官日罰俸降級留任

道光二年

一道光四年漕督奏江淮七幫距前幫開行之期遲至半月過淮後始趕跟前幫才便以渡黃如限竟置不議請將該幫千總暫行摘去頂帶如果沿途行走跟接抵通交卸全完再行奏請

給還

一道光五年儀徵蘇前兩幫千總兌開遲延參奏革職旋因該二幫自開行至渡黃俱係該弁等一手催儻跟接渡黃北上並無脫前壓後情事其水次兌開稍遲數日係因風雨耽延尙無別故奏准開復留於漕標酌補

一道光二十四年欽奉

諭惠吉奏籌辦新漕事宜請飭趕緊兌開等語漕船各幫兌開遲早乃運行第一關鍵其沿途經過各河

開自當預爲挑濬深通俾免淺滯至江南蘇松二屬
素因米多開行較緩每致他省幫船被其阻壓所請
無論何幫兌竣卽先開行自係爲速漕起見現居新
漕徵兌之期著江浙各巡撫一體通飭各縣幫趕緊
兌開務遵渡黃定限倘其中稍有不齊卽令兌竣之
幫漫越開行毋庸停待如江廣各幫先至江口亦准
提令插檔過淮先行灌渡至各幫渡黃後是否仍須
照依次序行走之處並著該漕督隨時體察情形督
飭妥辦毋任稍有阻滯以利漕行而重儲備欽此

一道光二十五年欽奉

上諭璧昌等奏松江府屬漕船開行遲緩請將知縣幫
弁分別摘去頂帶議處勒催一摺本年松江府屬奉
賢南匯兩縣之興武六幫延不儻行華亭婁縣二縣
派兌之興武三江淮七兩幫亦復相率延宕該縣幫
等實屬開行遲緩江蘇署奉賢縣知縣周沐潤南匯
縣知縣蕭翀興武六幫千總於炳南均著摘去頂戴
仍交部議處華亭縣知縣常恩婁縣知縣程恩溥興
武三幫千總鄭豐江淮七幫千總馮衛極著一併摘
武三幫千總鄭豐江淮七幫千總馮衛極著一併摘

去頂帶仍勒限將各幫船飛挽渡江倘再停留卽著從重參辦餘著照所議辦理欽此

一咸豐元年欽奉

上諭陸建瀛楊文定奏請將玩誤漕船兌開之員弁分別革職留任並摘去頂帶等語本年江蘇松江府屬漕船興武等幫延至四月上旬尙未兌開離次總由該府縣及總辦幫弁等不能認真籌辦以致稽延責屬玩誤署華亭縣知縣帥宗榮奉賢縣知縣王嘉穀署婁縣知縣李輝德金山縣知縣薛煥署川沙同知

寶鋆興武四幫千總郭生芹興武三幫千總金殿榮
興武七幫千總許登科著一併革職留任松江府知
府顧蘭徵署管糧通判朱鈞著摘去頂帶勒限卽日
兌竣離次晝夜儻行星速飛挽跟接前進如再稽遲
著卽從嚴叅辦該部知道欽此

一 河南省起運漕糧因被兵被災完報稽遲難
照冬兌冬開舊制據河南巡撫於咸豐三年奏
請改爲春兌春開嗣於咸豐四年六年改爲冬
兌春開復於同治元年奏請以河北三府漕糧

改爲春兒春開經部覆准並奉

特旨允准

搭運收買

一蘇松糧道所屬嘉慶元年二年蠲免漕糧其
仍徵隨漕贈五等米除截撥京口兵糧並各幫
減船月糧外青浦縣餘賸米四千一百一十一
石六斗六升六勺無需動用於起運幫船內分
裝帶運赴通交納嘉慶三年

一銅山睢寧二縣嘉慶元年徵存熟田漕糧前
因豐汛漫口輓運需費奏明緩俟嘉慶二年冬
搭運嗣東省曹汛漫口尙未合龍黃河斷流水

陸二途均難起運咨准再緩至下年搭運

嘉慶三年

一浙江溫州後幫旗丁陳士明等十名船隻遇

風沉溺米石除餘米抵補外尙應買補搭解米

石奏准自明冬爲始分作四年接數搭解

嘉慶五年

一浙江省嘉慶二年歸安等縣歉收項下應徵

漕糧正耗米一萬七千四百三十三石一斗四

合五勺前經欽奉

恩旨分作三年帶徵所有嘉慶三年應徵初限米石因

該省漕糧輪應蠲免幫船全數停減無從帶運

咨准同二限應徵米石一併加裝帶運赴通交

納嘉慶

五年

一蘇州白糧幫潮溼米一千三百九十二石四

斗一升先經奏准令該丁等變價河南買補足

數下年搭運嗣該幫交贋餘米七十二石准其

抵補下贋應搭米石責令照數搭運赴通交納

嘉慶
六年

一安慶等府屬還漕行月米石各屬俱有額運

漕糧可以隨次派搭惟和州向無漕糧亦無幫

丈搭運准其派令上江經過幫船順道加裝帶

運七年

嘉慶

一江蘇鎮洋縣搭運民欠米四千餘石先經奏

明彙入下屆起運船內搭運嗣因就該縣及太

倉州水次幫船均勻派搭杏淮分作二年運通

並援照乾隆四十九年蘇省搭運支廣行月等

米酌給贈銀贈米及席片負重銀兩

嘉慶七年

一江西永建幫族丁薛徐朋等一十九船受兌
進賢縣漕糧在淮寧變虧折米一千五百九十

八石四斗四升八合三勺分作三年搭解除初
二兩限米石均已照例買米搭解運通交納其

嘉慶七年應賠三限米石因各屬漕糧緩徵糧
艘銀停減在次無船出運准其俟嘉慶八年出
運漕船搭解運通還款嘉慶八年

嘉慶八年戶部覈定上下兩江收買米石運通
章程七款

一上下兩江各幫船每隻行月內撥出米三十
石以一兩九錢販給其免雇之船一體收買同

篩颺耗米均攤帶運到廟照平斛交納

一篩颺耗米折價銀兩原係格外津貼之項如
月報糧價浮於一兩九錢者卽應酌中以一兩
九錢折給如糧價減於一兩九錢者仍照市價
折給其搭運錢漕項下篩颺耗米一體折價收
回運通仍令造冊報部覈銷

一蘇松各屬支剩行月等米五萬三千餘石江
安所屬支剩米七千餘石戶部議令照數搭運
據稱前項米內業經撥支嘉慶六年分各幫行

月之用蘇屬實存米二萬五千一百餘石現將
舊存米八千六百餘石儘數搭運仍不敷米一
萬九千餘石卽於現完米內照數撥足江安所
屬實存米麥三千三百餘石現將各年徵存米
麥內派撥並於嘉慶六年存積米內照數撥足
共計米麥六萬餘石於起運各幫船內派搭仍
將派撥年款米數及各幫搭運米數造冊送部

查覈

一搭運行月等項米石照依搭運減存行月米

石之例驗分五米給丁其餘作爲平米派搭運
通蘇屬給與十銀江屬給與五銀同負重席片
銀兩接米支給

一向來支給行月負重等銀俱照例扣收平餘
此次收回行月等項米石折價銀兩應令一律
扣收平餘以符舊例

一江安糧道所屬各幫行月全無本色及不足
三十石之幫卽於贈五米內劃扣如贈米不敷
卽於交倉餘耗米內撥足三十石之數其剩交

米麥豆之幫一律以米交納例支粟米之幫卽
以粟米搭運

一應給折價銀兩查明各屬並無存留漕項准
其由道覈放以免歧異仍將放給銀兩統於漕
項奏銷案內報部查覈

一山東省嘉慶八年應買截漕米豆六萬九千
三百餘石向在沿河二百里以內州縣採買惟
該州縣有應貢動缺穀石又買截漕米石爲數
過多恐於民食有礙奏准酌買一半其餘一半

緩至來年採買嗣因黃水漫濛各州縣或破水
成災或挑護堤工均應裕籌民食所有嘉慶八
年應行買補之截漕米三萬四千六百餘石亦
准其緩至來年秋收後再行買補搭運

一嘉慶五年漕項奏銷案內各屬徵存米麥部
議搭解運通嗣因宣城貴池二縣應存米內有
給丁贍米未經給丁按數搭完所有搭缺贍米
於該二縣帶徵行月米內撥出抵給

嘉慶九年

一江蘇省銅山縣漕倉向在徐州府城每年徵

收後由黃河撥至宿遷阜河地方交兌軍船嘉慶十八年豫省睢工漫口黃河斷流難以撥送奏准緩俟下年搭運又蕭縣豐縣沛縣是年辦理防堵事宜徵收漕糧不能兼顧奏准將本年熟田緩俟下年啟徵交幫分裝搭運

一嘉慶二十年江蘇徐州府屬之銅山縣積年緩漕粟米一萬六千一百石應派坐兌之江北長淮兩幫分裝計每船加裝幾及一倍勢難加運奏准酌分一半米石先令該兩幫按數搭解

其餘八千餘石俟下屆掃數運通以免負重

一安徽潛山太湖等州縣額徵嘉慶十九年

分南屯米石是年秋禾被災奏明俟二十年秋後啟徵派撥各幫搭運每石給丁負重銀五分

贈銀五分席銀八毫五絲贈米折銀九分五釐

統於漕項奏銷案內彙冊報銷嘉慶二十二年

一湖北漢陽等六州縣嘉慶二十二年應搭運

帶徵節年緩徵米石因該州縣夏秋被水冬麥

未能普種所有帶徵漕米奏准停徵暫緩搭運

嘉慶二
十三年

一銅山蕭縣碭山等三縣嘉慶二十四年徵存
漕糧因豫省漫口黃河斷流若改由陸運程途
寫遠奏准緩至二十五年冬交幫搭運嘉慶二
十五年

一道光四年奏准湖南省動支常平倉穀碾米
二十萬石由漕船分作五年帶運初限米四萬
石當年碾運赴通二限米四萬石道光五年因
盤塲繁費奏准緩至次年搭運道光六年又因
醴陵等州縣被災撫卹口糧等項動碾過多且

有糧船在江遭風漂失漕米五千六百餘石同
時買補恐妨民食奏准先行搭運二萬石餘俱
分年遞緩搭運道光七年又因倒塘灌放渡黃
期迫湖南糧船喫水本深未便裝載過重奏准
將二限未運米二萬石並應補解漂失漕米均
緩俟下年再行碾運道光八年又因該省有帶
徵米石裝運較多難於駕駛復經奏准緩俟下
年再行碾運其餘分限通米十二萬石亦俱按

年遞緩

一道光七年仁和等縣帶徵二限並續徵初限
南糧還漕正耗米六千八百五石零咨准飭令
寧前等幫本年起運船內加裝搭運